

جریدہ علمیہ

مشیت جلیلہ اسلامیہ ناک جریدہ رسمیہ سید

شوال ۱۳۳۷

عدد ۴۷

آیدہ بر نشر اولنور

بشخی سنہ

[قرق بشنجی نسخهدن فهنرک مابمدی]

دین نظرنده حیات

ه هراسانک دروننده بولنان، بوراده کندینه اک سوکیلی بولنمش اولانلره بعدالموت
ینه تصادف ایدوب اولنلره معامله واسکی مناسبی تجدید ایتک، حسرتی هرهانکی بروقت
سزلمش و وعد ایدلمش اولدوغندن دهها مکمل درجهده ایفا ایديله جکدر .

چونکه بو حیانه مشترک بر عنصر روحی واسطه سیله مربوط بولنانلر او حیانه
یا لکز تصادف ایتیه جکدر، بلکه بو عنصر واسطه سیله برلشه جکلردر؛ بو اولنلره ایکسینده
مساوی شعورله طاند اولان مشترک بر روح رکفی اوله جقدر .

چونکه ذاتاً شمدی اولولر دیریلره، بالذات دیریلر برریله اولدوغی کبی، نامعدود
بویله مشترک عنصرلر واسطه سیله برلشه جکلردر یا؛ فقط آنجق جسدک هر ذی حیاتک
روحنک اطرافه چکدیککی عقده لری اولومک جوزدوکی زمان شعورک ارتباطی ایچون
کذلک ارتباطک شعوری ایش کوره جکدر .

هرکس اولوم آنده طانیه جقدرکه کندی روحنک اولجه اولمش اولانلردن آلدینی
یا خود اولنلره مشترک اولدوغی شی بو روحلرده ینه دائماً برلکده عاندر. و بو صورتله
او اوچنجی عالمه ییانجی برمسافر کبی داخل اولیه جق، بلکه چوقدن بکله نیلن بری کبی که
اونک بر اعتقاد، علم، محبت اشتراکله بوراده مربوط بولوندوغی کیمسه لر کندیلرینه
منسوب بریسی کبی اونی کندیلرینه چکمک، ایچون بتون اوکا اللرنی اوزاته جکلردر .

کذلک بزم زمانمزدن چوق اولجه ایکنجی حیات مرتبه سندن کچوب نمونه و تعلیم لرنده
روحنک تکمل ایتدیککی او بیوک اولولرله ده عینی اشتراک درونی به داخل اوله جفز . . .
فقط شخصیتیمز شخصیت طایله ده مضمحل اولیه جق، بلکه آنجق اوند قوت اکتساب
ایدوب او قوتی ده عینی زمانده تقویه ایده جکدر. چونکه هانکی روحلر مماثل اساسلری
واسطه سیله برریله برلشیرلر سه هر بری دیکرینک قوتی کندیلرینک ککنه قازانوب عینی
زمانده اونکله مربوط اولان باشقه لری واسطه سیله ده تمین ایدرلر .

بو صورتله بر چوق روحلر حقیقتلرینک بیوک قسملریله متقابلاً قوتلنه جکلر، دیگر-
لری ده متطابق اساسات منفرده لریله یالکیز مربوط اوله جقلردر .
بر اساس روحینک اشتراکی اوزرینه مؤسس اولان بتون بو ارتباطلر باقی قاله جق
دکلردر ؛ فقط اساسلری حقیقته ، حسنه یا خود فضیله منسوب اولانلردر که باقی
قاله جقدر .

آهنک ابدی یی کئندنده حامل اولمیان هر شی، بو حیاته هنوز مقاومت ایدیورسه ده،
نهایت خراب اوله جق، و برمدت کئندنده مردود راتفاقه توحید ایدلش اولان روحلرک
افتراقی موجب اوله جقدر .

شمیدیکی حیاته مظهر انکشاف اولوب کله حکه برلکده آلوب کیده جکمز اساسات
روحیه نك اکثریسی واقعا کندیلرنده کرچک ، ای وکوزلک بر نواتی حامل بولنیورلر
اما بر چوق غیر ذاتی، یا کلش ، ترس وایشه یارامازک علاوه سیله مستور برحاله . بویه
اساسات واسطه سیله ارتباطده بولان روحلر - هر ایکسینک بونده کی ای وخیرلی یی
حفظ ایدوب چرکین اولانی کوته روحلره اولنردن ایرلقلرنده منحصر آکری برافق
ایچون برلشه جکلرینه یا خود بریسنک ای یی ، دیگرینک قنای امساک ایده جکمه کوره -
مرتبط قالمغه یا خود ایرلغه قادردرلر .

فقط هانکی روحلرکه برکره کرچک، کوزل یا خود اخیرک برصورت یا خود فیکری
صفوت ابدیه لرنده مشترکاً تحت حکملرینه آلمشلردر؛ اولرینه بونلرک واسطه سیله
بتون ابدیتده مربوط قالب بونلری عینی طرزده ذاتلرینک جزوی اولق اوزره ابدی
برلک حاتنده حائز اولورلر .

ارواح علیا افکار ابدیه سنک قاورامسی بوندن طولانی اونلرک بو افکار واسطه سیله
دها بیوک عضویات روحانییه متحداً بر تماسیدر ؛ وبتون افکار جزئییه نك کلیرده ،
بونلرکده ده کلیرده کوکندکلی کی، اک نهایت بتون روحلر اعضا صفتیه روح
اعظمه . . ارتباط ایده جکلردر .

عالم ارواح کالنده بوندن طولانی روحلرک بر قولکسیونی دکل، بلکه بر اغاجی
اوله جقدرکه کوکی یرده کنده نابت، تاجی ده کوکله واصلدر .
یالکیز اک بیوک واک اصل روحلر . . . دهالر وقدسیان اک ای قسملریله طوغروجه

روح اعظمك رفعت دروینسه قدر یوكلوب نما بوله بیلیرلر؛ دها کوچكلرله دها اوافاقلر بونلرده بوداقلرك دالرده وداللك كوتوكلرده اولدوغی كبی كوكنیرلر، وبوصورتله اونلر واسطه سیله اك یوكسكده اك یوكسك اولان شيله بالواسطه ارتباط ایدرلر .

بو وجهله متوفی دهارله قدسیان روح اعظمه انسانلر آره سنده حقیقی متوسطلر در ؛ عینی زمانده اونلر روح اعظمك علومندن بهره دار اولوب اونی انسانلره سوق ایدرلر، ینه عینی زمانده اونلر انسانلرك آلام ، مسرات و آمالنی احساس ایدوب اونلری روح اعظمه عرض ایدرلر ...

• بز شمدی بر آیه ايله مبهم برسوزه باپورز ؛
فقط صوكره یوز یوزه باقارز . شمدی اونی قسم
قسم طانیورم ؛ فقط صوكره اونی طبقی كنندمك
طاندینی كبی طانیه جنم .

۱. قر. ۱۳، ۱۲.

انسان بوراده عینی زمانده بر خارجی و بر درونی حیات سورر، اولكیسی نظرده ، سوزده ، یازیده ، معاملات خارجه ده و آثارده هر كسه قابل رؤیت و ادراك ، صوكره کی افكار داخلیه و احتساساتده یالكنز كندینه قابل ادراك . قابل رؤیت اولانك خارجه اجراسی ده قابل رؤیت ، قولایجه قابل تعقیدر ؛ غیر قابل رؤیت اولانك اجراسی ده غیر قابل رؤیت قالیر ؛ مع مافیه منعدم اولماز ، بلكه انسانك حیات خارجه سیله برلكده نواتی صفتیه درونی اولان حیات آخرتك نواتی تشكيل ایتك ایچون بودنیاده کی انسانك اوزرندن اوتیه كندینی انفاذ ایدر .

حقیقت حالده انساندن اثنای حیاتنده بر حیات اولانلره قابل رؤیت وحس اوله رق صدور ایدن شی اوندن صدور ایدن یكاه شی دكلدر. بر ارتعاد یاخود اهتزاز اويله كوچك وایجه اواسون، اوندن باشمزه مشعور برتهییج نقل اولنور ، تهییجات مشعوره نك بتون بازیمچه سی ایسه باشمرك داخلی بر بازیمچه سی طرفندن محمولدر ، بو بزده و نهایت بزدن اوتیه كندینه مخصوص تأثیرات تمادیه حصوله كتیرمكدن باشقه درلو محو اوله ماز ؛ یالكنز بز اونی خارجه ده تعقیب ایده میز. اصوات تأثیرینی اويله آز كندی كندینه محافظه ایده بیلسین ، اوتأثیر اونلردن اوتیه نقل اولنور، باشمزه اويله آز ؛ یالكنز بونك اك اولكیسی صوت ايله باشه طانددر .

باشلرمزك تأثیرنده حائز منشأ اولان یوسك نوعدن تموجاتك نه ناقابل تصویر طولاشیق تأثیری کوزمرله قولاغمره خارجده قابل ادراك اولان قابا سافل تأثیر اوزرینه؛ قابل قیاس اك اینجه بوكلمر برکولك بیوك طالعهلری اوزرینه؛ یاخود تخنسنز ترسیات، اونلردن حسن کامل و قیمت علیابه مظهر اولان قالین الیمکلی بر خالینت سطحی اوزرینه انبساط ایده بیلیر. لکن عالم طبیعت یالکیز خارجده سافل نوعدن تموجاتك تأثیری طانیوب لمقیب ایدر و طانیادینی دها اینجه سی حقنده اهتمام ایتمز - اگر بونی طانیمازسه هر حالده قاعده اساسیه یی بیلیر، نتیجه یی انکار ایده بیلیرمی؟

بناءً علیه روحلردن اونلرك خارجاً قابل احساس اولان بوراده کی حیاتلرینك تأثیرات متمادیه سی واسطه سیله بزه ككش اولان شیءه اونلرك اولانجه وارلغنی توکتمز؛ بلکه زده قاورانیله میه حق صورته اونلرك وارلغك بوقسم خارچیسنه انضماماً طبیعتده برده حتی اونلرك وارلغك قسم اصلیه سی اولان بر دروینسی موجوددر. و بر انسان ایسینز بر آطه ده باشقه کیمسه لرك حیاته مداخله ایتمش اولمق سیزین حیاتی امرار و اتمام ایتمش اولدومیدی، ینه اوباشقه لرله بوراده کی معامله متقابلده بوله مدینه انكشاف مستقبله متحسرانه منتظر اوله رق درونی وارلغه نظراً نواتمی بر حالده دائم اولوردی.

دیگر جهندن برچوجق یالکیز بر لحظه یاشامش بولوندومیدی، ابدیتده بردها اوله مزیدی. حیات مشعوره نك اك كوچك آنی همان اطرافنده بردائرة تأثیرات وجوده کتیریر، نته کیم بر آنده محو اولمش کورونن اك قیسه صدا اوله سنی حصوله کتیریرکه صدای یاقین بولنانلرله ایشیتلردن اوتیه نامتناهی په کورتورور؛ چونکه هیچ برتأثیر حد ذاتنده محو اولوب هربری ابدیتده کندی نوعدن یکی تأثیرلر حاصل ایدر. و بو صورته چوجقك روحی بومشعور ایتدالردن بدءاً اولکیز قالمش اولان کیمسه نكکی کی، آنجق ذاتاً تکامل ایتمش بر ایتدادن اعتباراً واقع اولسه اوله جفندن باشقه درلو، ینه تکامل ایده جکدر.

شمدی نصل که انسان آنجق اولدوکنده باشقه لرنده روحاً حصوله کتیردیکنك شعور کاملنی حائز اولورسه، ینه اولدوکنده کندنده حاصل ایتدیکنك اوله شعور کامل واستعماله واصل اوله جقدر. انشای حیاتنده خزان روحیه دن طوبلادینی، حافظه سنی املا ایدن، طویغوسنك نفوذ ایتدیکی، عقل و خیالک اختراع ایتدیکی شی ابدی موجود

قاله جقدر ! مع مافیه بونک تکمیل ارتباطی بوراده قارا کلک قالیر ؟ یالکز فکر آیدینلق برلامبه ایله ایملریوب یولنک طارخطنده بولنانی تنویر ایدر ، باشقه سی قارا کلقدنه قالیر . روح اصلا بوخا کداندنه کنسینک تکمیل ثروت درونیسنه دفعه واقف اولمیه جقدر ؟ یالکز اونک بر رکنی بریکسی فی ربط ایچون استیجلا ب استدیکنده بر لحظه قارا کلقدن طیشاری چقوب عقبنده ینه کری اورایه باتار . بو وجهله انسان کندی روحنک ایچنده غریبدر واوراده تصادفه تابع اوله رق ، یاخود استدلال رشته سنده زحمتله یولنی آریه رق متحیرانه طولاشیر ، وفکرک تنویر ایدیچی ایزندن برجانبدنه روحنک اوزاق ساحاتی اورتن قارا کلغه طالایدیش طوران الک ای خزاننی اکثریا اونوتور . فقط جسمنک کوزینی برلیل ایدینک اورتدوکی اولوم آنسده اونک روحنده صباح اولمغه باشلار . اووقت انسان داخلینک مرکزی بر کونشه اشتعال ایدنه جقدرکه اونده اولان روحنه متعلق هرشیئی تنویر وعینی زمانده دیدنه درونی صفتیه فوق الارضی وضوحله هرشیدنک ایچنه نظر ایدنه جقدر . بوراده اونوتدوغی هرشیئی اوراده ینه بولور ، اوت اونی او یالکز بوراده اونوتمشدر ، چونکه او کندنن اوکجه آخرته کتمشدر ؟ شمدی او اونی طویل اوله رق ینه بولور . او یکی وضوح همومیده آرتق ربط ایتمک آرزوسنده بولندوغی شیک زحمتله اجزاسنی آریوب یکدیگریله برلشدرمهک مجبور اولمیه جق ، وفریق ایتمک استدیکی شیئی فصولنه تحلیل ایتیه جک ، بلکه بر عطف نظرله بالذات اونده اولان هرشی یالکز تفکرک بر جهته نظر آ دکل ، بلکه بردن هپسینه نظر آ وحدت و تناقض ، ارتباط و فرق ، وفاق و شقاق مناسبلرنده عینی زمانده ملاحظه اولنه جقدر . آغیر آدینک تماس استدیکندن باشقه برشی بیلمین کوزسز طریطیک یاواش یاواش سورونه رک کتمسینک فوقنده قوشنک طیران و بصری نه قدر یوکسینک صالینیرسه ، او یوکسک طرز معرفتده بزمکنه او قدر تفوق ایدنه جقدر . بو وجهله اولوم زماننده انسانک بدنیه برابر کنلک حسی ، عقلی ، حق روحنک بو متناهیله کوره حساب ایدیش اولان تکمیل بنیه سی کندی وارلنی ایچون پک طار اولمش صورتلره آرتق اشیانک یکی بر تربینده کنسیدینه هیچ بر فاندنه سی اولیمان عضولر صفتیه عو اوله جقلردر ، که اورتیبده اوکیسه بونلرک کنسیدینه منفردا زحمتله ناقص حالدنه حصوله کتیروب کشف ایتمک مجبور بولمش اولدقلری هرشیئی بردن بره بلا واسطه کندنده

حائز اولوب مشاهده و استفاده ایدہ جقدر . فقط انسانک ذاتی صور زمانیه سنک او پارچه لایمنده اینجتلیمیه رک انبساط و انکشاف کاملندہ قالہ حق ، و محو اولان او سافل طرز فعالیت یرینه عالی بر حیات کلہ جقدر . او افکارک کہ بولنق ایچون آرانمخه و مناسبترینک بیلنمسی ایچون یکدیگرینه تحریک ایتکہ آرتق احتیاجلری یوقدر ، بتون اضطرابی تسکین ایدلشددر . لکن بوکا بدل شمدی روحلرک دها عالی بر حیات متقابلہ سی باشلار ؟ افکار بر بریلہ روحزدہ اولدغی کبی اونلردہ . . . روح اعلاہہ بر بریلہ معاملہ ایدرلر ، وبالذات بزم بازیچہ افکارمن بو معاملہ نک آنجق بر تشعیددر . اورادہ آکلاشمق ایچون آرتق هیچ برلسانہ و باشقلرینی طامیق ایچون هیچ بر کوزہ احتیاج اولمیه حق ، بلکه بزده فکر فکری قولاغک ، آغزک ، الک توسطی اولدن آکلیوب اوکا تأثیر ، یبانیجی رابطہ یاخود حاجز اولمقسزین اونکلہ ارتباط یاخود اوندن افتراق ایتدیکی کبی ، ارواحک یکدیگری آره سنده کی مقابل حیاتدہ اولہ کیزلی ، درونی و واسطہ سزاولہ جقدر . هیچ بر کیمسہ یدهہ باشقلہ سنده آرتق بر شی کیزلی قالمیه جقدر . اورادہ بتون افکار مجرمہ کہ بورادہ روحک قارا غمتندہ یاواشیجه قلدانیرلر ، وهرشی کہ انسان کندی نظیرینک یانندہ بیک ال ایله کندندہ مستور طوتمق ایستر ، بونلر بتون روحلرہ آشکار اولور . ویالکمز بورادہ کاملاً صاف و صادق اولمش اولان روح محجوبیتسز اوالمندہ باشقلرینه قارشى چیقہ بیلہ جقدر ؛ و بورادہ یر یوزندہ طانیمیان اورادہ مظهر اعتراف اولہ جقدر . کذلک کندی حقیقتندہہ روح مشاهدہ ذاتیہ سیلہ هر خللی و بو حیاتدہ اونده کری قالمش اولان هنوز ناقص ، مزعج ، آهنگسز اولانی آکایہ حق ، و بوتقصانلری یالکمز اوکرنیمه جک ، بلکه کندی جسمانی نقصانلرمنی اولدوغی کبی احساس عمومینک بمائل قوتیلہ طوبہ جقدر . لکن فصلک بزده فکر کندیسندہ غیر صحیح اولاندن ینہ فکردہ تمیزلنیر ، و فصلک افکار اساسات مشترکہ لری واسطہ سیلہ دها عالی افکارہ ارتباط ایدرلر ، و هر بری بو واسطہ ایله کندندہ اولمیان خصوصدہ تکمیل ایدرسہ ، روحلردہ بوصورتلہ معاملہ متقابلہ لرندہ تکملہ وسائط ترقیلرینی بولہ جقلرددر .

انسان حیاتندہ یالکمز روحی صورتدہ دکل ، بلکه مادی صورتدہہ طبیعتلہ معاملہ

ایددر .

حرارت ، هوا ، صو و طو پراق هر طرفدن اوکا نفوذ ایدوب ینه اوندن هر طرفه کری طیشاری جریان ایدرلر ، اونک بدنی وجوده کتیررلر و تبدیل ایدرلر ؛ لکن بونلر ، که انسانک خارجنده یالکز بربرینک یاننده بولنورلر ، اونده تلاقی و تقاطع ایتدکری وقت بردوکوم باغلارلر که انسانک جسمانی طویغوسنی و بونکله عینی زمانده یو طویغودن دهادرونی اولان هر شیئی عالم خارجی طویغولرندن منع ایدر. آنجق حواس پنجره لری واسطه سیله کلبه جسمانیه سیدن عالم خارجی به باقوب متحسس اوله بیلیر ، و کوچک قوغه لرله کبی اوندن برشی استنباط ایده بیلیر .

فقط انسان اولنجه بدنک چورومسیله اودوکوم چوزوله جک ، و روح آرتق اونکله زنجیرلنش اولمه رق شمدی حریت کامله ایله طبیعت دروننه انصباب ایده جکدر . آرتق او یالکز ضیا و صدا موجه لرینی ، کوز و قولاغنه چاریدق لری کبی دکل ، بلکه اثیر و هوا دریالرنده بالذات یو وارلاندق لری کبی احساس ایده جکدر. آرتق ساده روز کارک اسمسنی و دریانک تلاطمی ایچنده ییقسانان بدننه قارشنی طویه جق دکل ، بلکه هواده و دریاده بالذات او غولدیوب چاغلیه جق ؛ آرتق خارجاً اورمان و چنزارک یشیلاکنده طولا . شمییه جق ، بلکه ایچنده طولاشان انسانلرله برابر اورمان و چنزاره متحسسانه نفوذ ایده جکدر .

بوجهله او بناء علیه مرتبه علیایه انتقالده آلات نامنه برشی غیب ایتمز که اونلرک خدمت محدوده سنی ، مرتبه سفلاده کنیدیسه او عاقل توسطله منفردا و ظاهرا یاقین کلش اولان هر شیئی ، کاملاً وبلا توسط کندنده حامل و متحسس اوله جق بر وارلقده بولیه بیلیر . مادام که حیات آتیه مزک موجه سلسله سی ضیا و صدا موجه سیله برلشه . جکدر ، آخرتده ذی حیات طبیعت منبعندن ضیا و صدا المق ایچون نه به ینه برده کوزله قولاق برلکده آلوب کوتوره جکدک . دهاده فضله !

انسانک کوزی ارض اوزرنده آنجق کوچک کونشمسی بریر جکدر و بتون سماندن پارلاق نقطه جقلردن باشقه برشیئی حائر دکلدر . انسانک سما حقنده دهادرزاده بیلیمک آرزوسی بوراده ایفا ایدلر .

انسان دوریین ایجاد ایدوب اونکله کوزینک سطح وقوت رؤیتی بیولتور ؛ بهوده ، بیلدیزلر ینه نقطه جق حالنده قالیرلر .

شوالده بوطالمک اسعاف ایدم مدیکنی آخرتده اکتساب ایتک ، کندیسنک علم
اشتیاقنی نهایت شونکله تسکین ایتک زعمنده بولنورکه ملاء اعلایه کیدوب زمینه هاند
کوزلرینه بوراده مستور قالمش اولان هریشی بعدما وانخاکورور .

حق واردر ؛ فقط اوقنادلانون بر ییلدیزدن او برینه یاخود حتی کورونن سمانک
فوقنده غیر مرئی برسماده اوچق صورتیله ملاء اعلایه کتمز ؛ طبیعت اشیاده بوکا قناد
زرمده بولنسون ؛ بتون سبایی دایما یکی ولادتلرده بولنورق متوالیا بر ییلدیزدن او برینه
نقل اولمق صورتیله اوکرتمز ؛ چوجق جغزلی ییلدیزدن ییلدیزه طاشیمق ایچون هیچ
برلک موجود دکدر ؛ - اونک کوزی اک بیوک ابعاد سماویه ایچون رؤیت قوتی اک
بیوک دورینه تحویل ایدمک صورتیله قازانماز ؛ یریوزنده کی رؤیتک قاعده اساسیه سی
آرتق کافی کلیه جکدر ؛ - بلکه او هپسنه کندینی حامل اولان موجود عظیم سماوینک
.. سائر موجودات سماویه ایله اولان ضیامعامله سنده حصه معلومه اکتساب ایتک صورتیله
واصل اولور . یکی بررؤیت ! بزم ایچون بوخا کداند هپچ برشی ، چونکه بزم بوخا کداند
سما ایچون هپچ برشیدر . سماده ارض بالذات ، تمامیه ییلدیزلرک ضیا دریا سینه طالد برلش
اوله رق ، واونک ایچنده هریشک میلیونلر وینه میلیونلر کره کندیسنی قطع ایدوب ینه
اخلال ایتدیکی طالع ضربه سنی هر طرفدن آلمق ایچون دوران ایدمک بیوک کوز کی
قلدانیر . بوکرزله انسان بروقت سماده کورمک اوکرنه جکدر ، اوقت که کندیسنک حیات
مستقبله سنک ضربه تموجی ، که اونکله اوبو حیاته نفوذ ایدر ، اوحیاتی احاطه ایدن اثیرک
خارجی ضربه تموجنه تصادف ایدوب اوکا قارشی اک دقیق ضربات ایله سایه نفوذ ایدر .
کورمک اوکرتمک ! هم انسان اولدکن صکره نه قدرده چوق اوکرتمک کرکدر .
چونکه او هر حالده ادعا ایدمک آخرتک وسائط عرض ایتدیکی بتون وضوح
سماوینی همان دخیولنده تحت حکمه آله جقدر . بوراده ده چوجق اولاکورمکی ،
ایشتمکی اوکرنیر ، چونکه ابتدادن اونک کوروب ایشتمکی آکلاشلمیان تظاهردر ،
کندنده بر معنی بولنمیان صدا ، اوکجه دن حتی تملیط ، ابطال حسن و تخلیطدر ؛
فقط آخرت یکی چوجقک یکی حواسنه ابتدادن باشقه برشی عرض ایدمک . انسان
بالکیز بورادن برلکده کتیردیکنی ، بتون بوراده ایشتمکیکنک ، دوشوندوکنک ،
اولدوغنک تکمیل بقیه خاطره سنی انتقال ایله برابر بردن بره کندنده وانخا تنویر

ایدیش اوله رق کورور ، مع مافیہ اولاینه آنجیق نه ایدیسه اولیه قالیر . کذلک هیچ برکیمسه ادعا ایتمین که آخرتک احتشامی احقه ، تنبله ، کوتویه ، او دبده نیک اوکسه یه حقیقتک آخرته آنکمز لکنی احساس ایتدیره جکندن ، وبوصورتله نهایت حقیقتی ترسنه دوندرمکه مجبور ایده جکندن باشقه درلو فائده ویره جکدر . ذاتا شمیدیکی حیاته انسان سماو ارضک بتون رونقنی مشاهده ایتک ایچون برکوزه موسیقی وانسان سوزنی طویق ایچون برقولاق ، بونلرک هپسنگ معناسی قاورامق ایچون بر عقل برابر کتیریر ؛ بونک احقه ، تنبله ، کوتویه نه فائده سی اولور .

بورانک الای واک یوکسک مرتبه سی کی آخرتک ده الای واک یوکسک مرتبه سی آنجیق الای واک یوکسک کیمسه لر ایچون وجوده کلشدر ، زیرا بالذات الک ای واک یوکسک کیمسه لر طرفدن آکلاشلش ، آرزو ایدیش وحصوله کتیرلشدر .

بناء علیه آخرتک یوکسکجه آدمی ده اولا کنذینی حامل اولان حقیقتک سائر حقایق سماویه ایله معامله مشعوره سیچون اکتساب درایت ایدوب بالذات آلت اولق اوزره بومعامله یه برلکده داخل اولسون .

عجبا صوکنده تکمیل ارض ، تدریجاً دائماً دها طار دوائر چیزه رک ، عصر لرجه سنه لر دن صوکره کونشک بر وقت اوزاغه صیچرادیفی آغوشنه عودت ایدوب اوآندن اعتباراً بتون مخلوقات ارضیه نک برشمس حیاتی باشلامیه جقمی ، بونی کیم بیلیر ، هم نه لازم که بزبونی حاضر شمیدی بیللم .

— مابعدی وار —

اهضادن
اشرف افندی زاده

شوکتی

۱۶ رمضان المبارک ۱۳۳۷

